

2 TESALONIKA

Warage Ween Ram o Ayeedek Pól Ol o Joowo Abaak Tesalonika

1 ¹ Aneeta Pól kibeena Silas been Timozi. Kayeedekun warage nico igeet ol o ceez o Joowo kuture o kazi Tesalonika o atuyu Jook ween baatina been Manyi Yesu Kiristo. ² Abon bai Jooi ween baatina been Manyi Yesu Kiristo anyun igeet deten ki ganon.

Apak Jooi looc iitene ci abadaan Yesu e

³ Dól o yaai tuwento, kacina naaga abon kanyeka Jook zany tup nõkõ ñaaten igeet, eeci tuwen unoon been reezonet unoon azaace kizi maka. ⁴ Gi o zin gõon kabololun naaga igeet ole o atu Jook o neen, eeci niiga amezu piryakzet, ma azuunu tuwen unoon. Mayo nuun agidenu, ma apiranu oroot o, ñaan azuunu nõkõ.

⁵ Ma piryakzet nici akunakun igeet ka keyeliza imeen o payiin o Joowo, ka mã amenanu niiga amezu piryakzet, ka agantõ ki baliin o Joowo. ⁶ Acacakun tijeere igeet Jooi piryakzet cunoon o gole ci abil top, ma apirnanne niini ol o gõon buk apirnanun niigi igeet. ⁷ Ñaan tijeere anyun Jooi igeet o apiranu yubzen, igeet kibeena ageet buk. Agõon niini gi nico katin iitene ci abadaan Manyi Yesu tammu tadena orokoran been toonnyak ogin adõi e. ⁸ Anyaa niini tijeere goo ci appe, ka kiiya kipirai ol o gõon abor nõkõ, ma buk abor kaviyak o abon o Manyi ona Yesu Kiristo. ⁹ Ajowa tijeere niigi piryakzet been targanyinet ci abil been neen. Ma aḡeryai niigi ñaaten Manyi Yesu been titinyonte o dõyiz onin adikir. ¹⁰ Ma iitene ci akuni niini neke ol o atuwe dook adiḡḡan nõkõ. Zin buk tijeere niiga aromoneku kibeena nõkõ, eeci utuyu niiga zõz o Joowo abon baal kaduwakun naaga igeet e.

¹¹ Gi o zin gõon kajinekun naaga igeet Jook tup o neen. Kajina Jook ona ka kanyun niini igeet dõyiz ci abaaku baayiz o abon baal laadun awakun niini igeet e. Abon bai atiritun niini igeet dõyize onin utuguz kaal o abon arõḡ zinzeeti ugooc, been liḡḡan unoon tuwento. ¹² Ma gole nico adõḡnyi zaara o Manyi onai Yesu ñaatunoon, ma ajowanu buk niiga titinyon ñaatin bonat o Jook onai been Manyi Yesu Kiristo.

Kaal o katin iina

2 ¹⁻² Ma giye ci akati kuni o Manyi onai Yesu Kiristo kibeena loten o kaloten naaga ka koromtozeka nõkõ, kilalekun igeet dól o yaai tuwento alaḡ karoõḡnyun naaga igeet kibiirtun ooti taman nõkõ. Karabõḡ bar areku zinzeeti gi ci aziyu ne, “Abada baale Yesu laadun odota.” Karabõḡ da aduwa gi nico eeti oman ñaati uuwayi. Karabõḡ bar anekun eeti oman ne, “Ayeedaket kaviyak nicoko Pól.” ³⁻¹² Má anyeku zin eet oma kalabawun igeet, eeci iitene o Manyi alaḡ rak aku zee ma akõ akanai gerzitin o adikir aborni ol Jook, ma ayelzai eeti o oḡecu adikir o apawozek nõkõ goo laadun. Kuduwayun rak baale igeet kaal nicoko iiten baal ñaan karomen been igeet e. Inoko ḡedet gerzitin abil tõ, bar zin alaḡ rak ayelzai oroot zee ma anyeki eeti o alam gerzitin nico. Mazi oõḡna tijeere niini nõkõ, ñaan zin katin ayelzai niini kagaac ol dook. Ma aku amarnin niini Jook oroot. Ma anyek Loryenti katin nõkõ dõyiz ci appe oroot ka kutuguwi niini kaal ci ateet ol biye. Ma adiḡḡan niini ele kujuk Jook, ma arõḡ niini ol dook kidiḡḡanit nõkõ doon. Ma tijeere akõ niini ceez o Joowo adikir, ma akõ azi ne, “Aneeta Jook neen.” Ma alaba tijeere niini ol o abor ñaati atuwi kaviyak o Joowo. Alaḡaan zin enice eela Jooi nõkõ, bar apayek tijeere niini nõkõ goo o abil been neen giye o areezi niigi kaal o ger ademzek nõkõ eeti o oḡecu. Aku zin tijeere Manyi diḡḡante onin, ma aku uulal nõkõ kook many zooze ci olla aduwak niini nõkõ otoga doon.

Eḡerawun Jooi igeet

¹³ Dól o yaai tuwento o areezun Manyi igeet, kacina naaga abon kanyeka Jook zany tup nõkõ ñaaten igeet, eeci eḡerawun da niini igeet baale kinatamma e laadun. Arõḡ niini kuruguzun igeet ñaaten Võḡiz onin anyun niini igeet ka utuweec niiga kaviyak ogin een didi. ¹⁴ Otowayun zin Jooi igeet gi nico kaviyawe ogin abon iitene baal kuuwawekun naaga igeet e, eeci aroõḡnyun niini igeet ka ozolit ki Manyi ona Yesu Kiristo diḡḡan onin.

¹⁵ Odoyit zin dól o yaai tuwento. Agamit kaal ween didi baal kademzekun naaga igeet e kibeena baal kaduwakun igeet waragenyaye baal gõon kayeedekun e.

¹⁶⁻¹⁷ Abon bai Manyi Yesu been Jook adizikun igeet, ma anyun dõyiz ci abaaku baayiz o abaayi bor o Joowo. Yesu neen o arezet niini ageet, ma anyet dõyiz calaḡ kooḡni tuwen ona, ma anyet buk niini ageet zinzeeti ci alal ci karewi kaal o abon baal aterkedeket Jooi ageet e.

3 ¹ Dól o yaai tuwento, inoko karoõḡnyun igeet ijinteyetu Jook ka kadala zõz o Manyi ol kataman, ka kititinyit niigi zõz o Joowo jurun kiyo buk niiga o. ² Ijinteyetu buk Jook, ka korogozet niini ageeta ole o ger amarninet, eeci ol dook alaḡ atu zõz o Manyi Yesu Kiristo.

³ Bar zin kagaya naaga ñaan anyun Manyi onai bonate onin odoyit tuwenta, ma abekun niini igeet Loryenta. ⁴ Ma buk kagaya naaga ñaati Manyi ñaan amenaku niiga kaal baal kedemzeteyun naaga igeet e. ⁵ Abon bai anyun Manyi igeet agaac reezinet o Joowo zinzeetine ugooc jurun, ma abon anyun buk niini dõyiz ci amezu piryakzet kiyo baale gõon Yesu Kiristo e.

Abon ol dook aliḡḡin

⁶ Dól o yaai tuwento, karicanekun naaga igeet zaare o Manyi Yesu Kiristo, edeyai niiga ole o atuwe, ma aarnek liḡḡan, ma alaḡ agam zõz o liḡḡanto baal kademzeka naaga nõkõ e. ⁷ Agayu niiga eleetine ugooc agano ñaati aliḡḡnyu kiyo baale buk gõon naaga e, alaḡ adaanḡnet ageeta eleeti. ⁸ Alaḡ waanice kagamana tirten eete oman kõkõm gi ci karuweka nõkõ, bar kaliḡḡnya naaga gõon waanice iinya dook gil, eeci alaḡ karoõḡnya uzuutetu niiga doon ageeta. ⁹ Alaḡ gerze ñaati waan atiritetu niiga ageeta, bar olla kagoona nõkõ o ka kizita yabziin ñaaten igeet, ka buk niiga utuguz kiyo kagoona naaga o. ¹⁰ Kuduktayun rak baale naaga igeet kanekun ne, “Mã anyak ñaatunoon eet ci tuwento alaḡ arõḡ kilinḡin, ujurtake nõkõ dayiin.” ¹¹ Kaduwakun igeet gi nico o, eeci kaziḡna naaga ol oogi ñaatunoon adaai eleeti, ma abor liḡḡan, ma bar olla amilmilan niigi gõõḡi oogi ḡomtiinta.

¹² Inoko zin karicaneka naaga zaare o Manyi Yesu ol o alaḡ aliḡḡin ñaatunoon ka kilinḡinta niigi dayiin cigeec maany.

¹³ Dól o yaai tuwento, emeda utuguz kaal o abon gõon agoonu tup.

¹⁴ Mā anyak ŋaatunooŋ eet ci abor zoosok ci kayeedekuŋ igeet noko, ataŋaamtek nɔɔnɔ juruŋ. Ma buk abon adeyanu niiga ŋaatin ka kaam nɔɔnɔ alyaani. ¹⁵ Bar zin má anyeku nɔɔnɔ kibil kiyo miroiti o, bar itiloz nɔɔnɔ kiyo ilotu gotonu o.

¹⁶ Abon bai Manyi ona Yesu Kiristo o anyak ganon anyuŋ igeet ganon tup golowe dook. Abon bai Manyi Yesu aavi ŋaatunooŋ igeet dook.

¹⁷ Aneeta Pol ele neen kayeedi zɔɔz ci kazaayuŋ noko aziite onan maany. Agaac zin nici warage can, eeci agayu niiga yeedinet o aziit onan goon kayeede waragenya ogan dook.

¹⁸ Abon bai deteni o Manyi ona Yesu Kiristo aavi ŋaaten igeet dook.